

اسلام دنیایی

خالد

شماره ۲ — ایکی هفته در بر میقرار  اسلام فائز و نه مالبشیر عدد — ۲

دوغریسی مشاغلک بوتون ایجاتی ده نظر اعتباره
آلماق اقتضایده جک درکه ایشته بریسی ده هفته ده
بر کون ایشجیلرک (استراحتی) مسئله سی در.
فی الحقیقه هفته ده بر کون استراحت ارباب
مشاغل ایچون قدر قیمتی بر نعمتدر حتی
بونک ایچوندرکه مأمورین دولته یازک حرارتی
کونلر ده هفته ده بر کون بیله آز کله رک اکثریا
هفته ده ایکی بازار، جمعه کونلری تعطیل
یابارلر ..

شمدی انصاف ایله دوشوناسون! ممکن مرتبه هر
صورتله طرف دولتدن استراحتی تأمین اولمش،
حتی حاشلامه قره قولاق صوبته قدر احتیاجاتی
تداوک ایدلمش و وظیفه لری ده یاز یحیاک کبی
وظائف خفیفه دن عبارت بولمش اولان مأمورین
دولته استراحت ایچون هفته ده بر کون بیله
آزلق ایدرسه بر طاقم مشاغل شاقه، یعنی آخر
ایش احتیاجنه هفته ده بر کون استراحت نه دن
واجب اولماسون ...

مثلا: هر هانکی بر اسلام مغازه سنده
بولان - چونکه خریستانلرجه مسئله ذاتاً حل
اولمشدر - چیراق صباح ایرکندن قالدوب
آقشام کچ وقته قدر مغازه ده اوغراشور. و بو
اوغراشماق هیچ بر زمان یومیه اون ساعتدن
آشاغی قالماز و بلکه یاز کونلری اون اوج اون
دوت ساعته ده بالغ اولور.

شمدی بوقدر اوزون و دوامی بر
مشغولیتدن سوکره هفته ده بر کون استراحت
اوجراق ایچون بک مشروع و قانونی، برحق

کلیدر ؟

برینه ویرسین .. زیرا بزم الک مکمل مکتبلرین
بونلرک یاننده صولده صفر قالیر : آمین اولالم ..
بحضرت بک مهمدر . ایستردنکه بوتون
تفصیلاتیله یازالم ، نه چاره که بوکا غزتمک جمعی
مساعد دکل . بناء علیه خصوص مذکوره
دائر استفسارده بولونمق ایستین قورئلریزه
جواب ویرمه حاضرز .. بر مکتوبیه « آناتولی
حصارنده سامی زاده ثریا .. » آدره سنه مراجعت
بو یوریه ...

سامی زاده

آناتولی حماری

ثریا

جمعه کونی تعطیل مسئله سی

بوکون بزجه بالاتأخیر حل اولنمسی اقتضا
ایدن مسائل مهمه دن بری ده ایشته یو، جمعه
کونلری تعطیل اشغال مسئله سی در .

شمدی یه قدر تجارتیه، صناعتیه، لاقید
قالدیغیز ایچون بوکاده طبعی اوله یوق لاقید
قاله بیایردک .. فقط بوکون احمدیه تجارت
عائده بر انتباه، بر تیقظ مشاعده ایتمکده یز ..
بو آنه قدر تجارتک (ت) سنی خاطریمزه کتیرمک
ایسته مدیکمز حالده شمدی بر قسممز اومسلاک
مبارکه انتساب ایتمش و بر قسممزده انتساب
ایتمک ایده بیلیمک یوللریخی آرایوب دوریورز .
(هذا من فضل ربی) .

بو یله اولدقدن سوکره تجارتک، دها

کندی خصوصی ایشلرینی کورمک ،
وجودینی دیککندرمک ایچون هفته برکونه
کیمک احتیاجی یوقمدر ؟ بونک باشقه بر منفعتی
دها واردورکه حیاتی انتظامه صوقار ، بزه غیر
مسلم عناصر نه کوزل مثالدر . اولر ؛ هیچ بر
قانون اولمدینی حائده یالکتر کایسا نصیحتی
اوزرینه عموماً بازار کونی ایشله مزله ، بونکله
برابر صنعتدهده تجارتدهده اسلاماردن قات قات
ایلروده درلر ... حیاتلری ، معیشتلری ده
منتظمدر .

خلاصه : بو مسئله بلا تأخیر نظر دفته
آنتوب حل اولمایدور . باشقه یرلرده بوکا بادیله
مداخله ایدرلر ؛ بوخصوصده بر نظام وضع
ایشلرلدر . مغایر حرکتهده بولنلردن درحال
جزای نقدی آیلرلر . یاشامق قابلیت کویسترن
مانلرده چالشمه واستراحت کونلری ساعتلری
قطعی صورتده تعین ایشلدر ، انبیوک بر آدمندن
انک آشامق بر اصنافه وارنجهیه قدر حیاتلری
بر پروغرامه تابعدر . بزه بالعکس نه وقت
بللی ، نه ساعت ، نه تعطیل بللی ، نه بایرام ...
بر کیدیشدر کیدر نتیجهدهده هیچ برشی
قزاندیغمز یوق . جناب حق کتاب مقدسده
جمعه کونی وقت صلاتده ترک اشغال ایتمه
صراحتاً امر ایتدیکی حائده بزم بوناده هیچ
انقیاد مز یوق !

خادم لدین

ایام تعطیل برمانک حاکمیت علامتلردن در
مثلاً : خرسیتیان ملت و دولتلرنجه یوم تعطیل
واستراحت اولهرق قبول اولنان بازار کونی
عربری بلا استثنا مسدود بولنور . مسلمان
تاجرلر ، اصنافلرده بو مجبوریته تابع درلر ..
چونکه بو او مملکتجه قبول اولنمش بر قانون
بلدیر . بوکا هرکس رعایت ایتمهیه مجبوردر .
ایشله رومانیاده بولغاریدهده ، سائر یرلرده بازار
کونلری هیچ بر مسلمان دکانی آچاماز . یالکتر
قهوه خانه لر مستتی در .

بر قاچ سنه اول بو ؛ روسیهده فوق العاده بر
مسئله اولمشدی . چونکه ۳۲۶ سنه سی روسیه نیک
دوما مجلسنده اسلاملرکده بازار کونی یوم
تعطیل اتخاذ ایتمه لری و خرسیتیان بایراملرنده
دکانلرینی قیامالری ایچون رسماً قرار ویرلمشدی
که بونک اوزرینه مسلمان مبعوثلری مجلسی ترک
ایتدکاری کبی قزان ، اورنبورغ کبی متعدد
یرلردن دخی اسلاملر پروتستو ایلهمشلردی ..
حتی بر قاچ آی اول ینه قزانده ولایت
مجلسی بویله برقرار ویردوک بر چوق کورلتولری
موجب اولدی . اعالی و مطبوعات اسلامیه
طرفدن صوک درجهده تنقید و مناقشه ایدلدی :
بزم و دیناً مبارک و بایرام کونمز (جمعه) در ، بز
بازار کونی تعطیل ایدمه یز دینلدی .. [۱]
شمدی بو مسئله بزم مملکتده نظر اهمیت
و اعتباره آلمغه لایق دکلیدر ؟

[۱] بتسبورغهده چیان آل غزته سی بوخصوصده
یازدینی بر مقاله دن طولانی (۳۵۰) روبله جزای
نقدی به دوچار ایدلش در .